



Najaaraq Møller
Inatsisartunut ilaasortaq, Siumut

Tusass Music pillugu – § 37 naapertorlugu apeqqutip nr. 168/2023-p akineqarnera

15-12-2023
Suliap normua: 2023 - 3471
All. nr. 23675338

Asasara Najaaraq Møller

Postboks 1029
3900 Nuuk
Oqarasuaat: +299 34 50 00
Email: ikin@nanaoq.gl
www.nanaoq.gl

Inatsisartut suleriaasiat naapertorlugu apeqqtinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1: Naalakkersuisut Nunatsinni nipilersortartut peqatigiiffiat tusarniaaffiginagu aammalu nipilersortatut saqqummersitarisimasaat nipilersortartut toqqagassinnagit Tusass Musicimut ilanngutsitaalernerat ilisimasaqarfigivaat?

Akissut: Naamik, ataani paasissutissat pissarsiarineqartut saniatigut nipilersukkanik siammarteriffimmik Tusass Musicimik atilimmik Naalakkersuisut ilisimasaqanngillat.

Apeqqut 2: Naalakkersuisut qanoq isumaqarfigivaat Tusass Musiceqalerneratigut nipilersortartut nunarsuarmioqatigiit nipilersuutininik siammarterivii assigiinngitsut atorlugit kiffaanngissuseqarlutik siammarterisinnaanerannik innarliisoqalernerat?

Akissut: Eqqumiitsuliortut nammineq erinniaminnik siammarterinissamut kiffaanngissuseqarnerat, eqqumiitsuliortut nammineq tamanna pillugu isumaqatigiissuteqarneratigut taamaallaat killilerneqarsinnaasoq Naalakkersuisut naliliippat. Aamma Naalakkersuisut pingaarnertut kissaatigaat Kalaallit Nunaanni eqqumiitsuliornikkut ingerlatsineq aamma kalaallit nunani allani eqqumiitsuliornikkut ingerlatsinerat siuarsassallugu, sapinngisamillu qularnaarniassallugu innuttaasut siammasissumik aamma tamatigoortumik kalaallit eqqumiitsuliaannik eqqumiitsuliornikkullu ingerlatsinerannik periarfissaqarnissaat, aamma eqqumiitsuliornikkut nunani allaneersunik periarfissaqartinneqarnissaat.

Apeqqut 3: Naalakkersuisut nunatsinni eqqumiitsuliernerup kiffaanngissuseqartumik nunarsuarmioqataasunut avammut nittarsaassisinnaanerannut saqqumilaarsinnaaniissaannullu killilersuiniartoqalernerat Inatsisartut ilisimanngisaannik isumaqatiginninniarsimanerpat?

3b. Allaat kalaallit nipilersuutininik immiussimasaat tamaasa Tusass Musicimut ilineqartussianngorlugit, nipilersortartut avammut namminneerlutik siammarterisinnaanerat innarlerlugu?

Akissut: Naamik, eqqumiitsuliortut periarfissaannik akornusiisumik Inatsisartut avaaqqullugit Naalakkersuisut isumaqatigiissuteqarnikuunngillat.

Apeqquut 4: Tusass Musiceqalerpat aningaasat iluanaarutaasut kikkunnt tussappat aammalu qanoq annertutigissappat?

Akissut: Apeqquutip 4-p akissuteqarfiginissaanut atugassanik akissummut ilanngussasanik Tusassimit pissarsiniartoqarsimavoq. Tusass imatut ilisimatitsissuteqarpoq:

Tulliuttut assersuutaapput, nipilersukkamik siammarterisumut/eqqumiitsuliortumut atuinermut ataatsimut qaammammut ataatsimut akiliutigineqartussatut ilimagineqartut:

- *Tusass Musicimit pisartagallit 3000-ppata atuinermut ataatsimut qaammammut ataatsimut 0,09 kr.-nit missaaniissasoq ilimagineqarsinnaavoq.*
- *Tusass Musicimit pisartagallit 7000-ppata atuinermut ataatsimut qaammammut ataatsimut 0,13 kr.-nit missaaniissasoq ilimagineqarsinnaavoq*
- *Tusass Musicimit pisartagallit 10.000-ppata atuinermut ataatsimut qaammammut ataatsimut 0,14 kr.-nit missaaniissasoq ilimagineqarsinnaavoq.*

Assersuummi 6.000-nik atuisulimmi DiGiDi-mut kaaviiartitat 48%-tii Tusassip akiliutigisassava. Sinnerisa 52%-tit Kodamut akuersissut, Tuned Globalimik ingerlatsineq akuersissummullu isumaqatigiissut, Tusass-ingerlatsineq aamma – tuniniaanissamut suliniutinut aningaasartuutit matussuserarpaat. Tusassip Tusass Musicimut iluanaaruteqarnissani naatsorsuutiginnilaa.

Inussiarnersumik inuulluaqqusillunga



Aqqaq B. Egede